



## SOALAN-SOALAN LAZIM

### PROGRAM PEMBIAYAAN PADI

NO.	SOALAN	JAWAPAN
1	Apakah itu Program Pembiayaan Padi?	Program ini merupakan satu kemudahan pembiayaan tanpa cagaran bagi membiayai modal pusingan penanaman padi untuk pesawah yang mempunyai sistem pengurusan sawah yang teratur dan sistematik serta disahkan oleh agensi kerajaan yang berkaitan.
2	Apakah jenis kemudahan yang disediakan bagi Pembiayaan Padi?	<ul style="list-style-type: none"> <li>i. <b>BERNAS Paddy-i:</b> Pesawah yang mempunyai ikatan pembekalan hasil padi dengan Kilang Beras Bernas (KBB) yang juga dikenali sebagai Peserta Rakan Ladang BERNAS.</li> <li>ii. <b>PPK Paddy-i:</b> Pesawah yang mempunyai ikatan pembekalan atau pengurusan hasil padi dengan Pertubuhan Peladang Kawasan (PPK).</li> <li>iii. <b>KPK Paddy-i:</b> Pesawah yang mempunyai ikatan pembekalan atau pengurusan hasil padi dengan Kilang Padi Komersial (KPK) selain dari Kilang Beras Bernas (KBB).</li> <li>iv. <b>Agro Paddy-i:</b> Pesawah yang tidak mempunyai sebarang ikatan pembekalan atau pengurusan hasil padi dengan mana-mana Kilang Padi Komersial (KPK) atau pihak pembeli hasil padi.</li> </ul>
3	Apakah syarat kelayakan pelanggan?	<ul style="list-style-type: none"> <li>i. Warganegara Malaysia.</li> <li>ii. Berusia dari 18 tahun sehingga genap 70 tahun pada tarikh tamat tempoh pembiayaan.</li> <li>iii. Bayaran hasil padi, Skim Subsidi Harga Padi (SSHP) atau insentif yang berkaitan telah daftarkan oleh BERNAS untuk disalurkan melalui akaun deposit pelanggan di Agrobank.</li> <li>iv. Tidak dikenakan tindakan undang-undang, termasuklah tindakan kebangkrutan, tidak diisytihar bankrap, dan tidak mempunyai rekod kegagalan pembayaran kredit dengan mana-mana institusi kewangan.</li> </ul>
4	Berapakah tempoh pembiayaan dan jumlah pembiayaan yang diberikan?	Tempoh pembiayaan adalah tidak melebihi lima (5) tahun atau sehingga Pelanggan berumur genap 70 tahun pada tarikh matang pembiayaan (yang mana terdahulu). Walaubagaimanapun, bagi pelanggan melebihi usia 70 tahun, pembiayaan boleh dibuat dengan menerima pembiayaan bersama daripada kalangan ahli keluarga terdekat seperti pasangan suami isteri, anak kandung, ibubapa kandung dan adik beradik kandung. Jumlah pembiayaan sehingga RM 50,000*.
5	Berapakah kadar keuntungan yang ditawarkan?	<ul style="list-style-type: none"> <li>i. <b>BERNAS Paddy-i :</b> Kadar keuntungan bagi pembiayaan ini adalah serendah 1%* semusim (6 bulan) dan dikira berdasarkan baki bulanan.</li> <li>ii. <b>PPK Paddy-i:</b> Kadar keuntungan bagi pembiayaan ini adalah serendah 1.75%* semusim (6 bulan) dan dikira berdasarkan baki bulanan.</li> <li>iii. <b>KPK Paddy-i:</b> Kadar keuntungan bagi pembiayaan ini adalah serendah 1.75%* semusim (6 bulan) dan dikira berdasarkan baki bulanan.</li> <li>iv. <b>Agro Paddy-i:</b> Kadar keuntungan bagi pembiayaan ini adalah serendah 3.25%* semusim (6 bulan) dan dikira berdasarkan baki bulanan.</li> </ul> <p>*Tertakluk kepada terma dan syarat.</p>



## SOALAN-SOALAN LAZIM

### PROGRAM PEMBIAYAAN PADI

NO.	SOALAN	JAWAPAN
6	Bagaimanakah cara bayaran bagi pembiayaan ini?	Pembayaran jumlah keseluruhan pembiayaan bagi setiap musim (6 bulan) hendaklah dilakukan secara penuh/pukul pada atau sebelum tarikh matang tempoh pembiayaan. Jika pelanggan gagal membuat pembayaran yang telah ditetapkan, ta'widh (ganti rugi) akan dikenakan berdasarkan garis panduan yang dikeluarkan oleh Bank Negara Malaysia berpandukan kepada resolusi Majlis Penasihat Syariah Bank Negara Malaysia.
7	Adakah terdapat sebarang penalti yang akan dikenakan sekiranya pelanggan membuat penjelasan awal pembiayaan?	Pelanggan tidak akan dikenakan sebarang penalti sekiranya pelanggan membuat penjelasan awal pembiayaan.
8	Adakah pihak Bank akan mengambil tindakan undang-undang sekiranya pihak pelanggan tidak mampu membuat bayaran pembiayaan kerana kematian atau perniagaan terjejas akibat bencana alam, pandemik atau epidemik?	Sekiranya berlaku kematian maka pembiayaan pelanggan akan dilindungi oleh takaful kredit dengan syarat pelanggan mengambil pelan takaful kredit tersebut. Malahan, sekiranya berlaku ketidakmampuan pelanggan untuk membuat bayaran disebabkan perniagaan terjejas kesan daripada bencana alam, pandemik atau epidemik, maka pihak Bank boleh, tertakluk kepada mana-mana arahan daripada Bank Negara Malaysia atau permohonan daripada pelanggan, mengambil tindakan penstrukturan dan penjadualan semula pembiayaan tersebut mengikut kesesuaian aliran tunai pelanggan.
9	Adakah terdapat sebarang cagaran atau jaminan yang diperlukan bagi pembiayaan ini?	Tiada sebarang cagaran atau jaminan diperlukan bagi pembiayaan ini.
10	Dimanakah pelanggan boleh mengemukakan permohonan?	Pemohon boleh mengemukakan permohonan dengan mengunjungi mana-mana Pusat Kredit Padi atau cawangan Agrobank yang berdekatan.
11	Dimanakah keterangan lanjut dan borang permohonan boleh didapati?	Pelanggan boleh mendapatkan keterangan lanjut mengenai pembiayaan ini dan borang permohonan melalui : <ul style="list-style-type: none"> <li>i. Pusat Panggilan Agrobank di talian 1-300-88-2476;</li> <li>ii. Layari laman sesawang rasmi Agrobank <a href="http://www.agrobank.com.my">www.agrobank.com.my</a> ;</li> <li>iii. Kunjungi Pusat Kredit Padi atau cawangan Agrobank yang berdekatan;</li> </ul>

Jun 2023

